

Na osnovu člana 22. Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", br. 22/06, 43/08, 22/09, 35/14, 94/15 i 17/22) federalni ministar finansija - federalni ministar finansija **d o n o s i**

**P R A V I L N I K**  
**O SADRŽAJU, NAČINU I ROKOVIMA IZVJEŠTAVANJA O PRIKUPLJENIM I**  
**RASPOREĐENIM PRIHODIMA BUDŽETA, VANBUDŽETSKIH FONDOVA I**  
**OSTALIH KORISNIKA JAVNIH PRIHODA NA TERITORIJI FEDERACIJE BOSNE**  
**I HERCEGOVINE**

(„Službene novine Federacije BiH“, br. 92/18 i 30/24)

**I. OSNOVNE ODREDBE**

**Član 1.**

Ovim Pravilnikom propisuje se sadržaj, način i rokovi izvještavanja o prikupljenim i raspoređenim prihodima budžeta, vanbudžetskih fondova i ostalih korisnika javnih prihoda na teritoriji Federacije Bosne i Hercegovine.

**Član 2.**

Javnim prihodima, u smislu Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", br. 22/06, 43/08, 22/09, 35/14, 94/15 i 17/22<sup>1</sup>, u daljem tekstu: Zakon) smatraju se indirektni porezi, direktni porezi, naknade, takse, kazne, vlastiti prihodi, doprinosi, donacije i drugi prihodi, utvrđeni zakonima i drugim propisima Bosne i Hercegovine, Federacije Bosne i Hercegovine, kantona i jedinica lokalne samouprave i uplaćuju se na račune javnih prihoda korisnika javnih prihoda u skladu sa propisom kojim se uređuje način uplate javnih prihoda budžeta i vanbudžetskih fondova na teritoriji Federacije Bosne i Hercegovine.

**Član 3.**

Obveznici dostavljanja izvještaja o prikupljenim i raspoređenim javnim prihodima prema ovom Pravilniku su:

1. Federalni trezor
2. Kantonalni trezori
3. Općinske i gradske službe iz oblasti finansija
4. Federalni zavod za penzijsko i invalidsko osiguranje

---

<sup>1</sup> Službene novine Federacije BiH, broj: 30/24

5. Zavod zdravstvenog osiguranja i reosiguranja Federacije Bosne i Hercegovine i zavodi zdravstvenog osiguranja kantona
6. Federalni zavod za zapošljavanje i službe za zapošljavanje kantona
7. Javno preduzeće Ceste Federacije Bosne i Hercegovine d.o.o. (u daljem tekstu: JP Ceste FBiH) i kantonalni organi za ceste
8. Javno preduzeće Autoceste Federacije Bosne i Hercegovine d.o.o. (u daljem tekstu: JP Autoceste FBiH)
9. Fond za zaštitu okoliša Federacije Bosne i Hercegovine i kantonalni fondovi za zaštitu okoliša
10. Agencija za vodno područje rijeke Save
11. Agencija za vodno područje Jadranskog mora
12. Turistička zajednica Federacije Bosne i Hercegovine i turističke zajednice kantona
13. Obrtnička komora Federacije Bosne i Hercegovine i obrtničke komore kantona
14. Fond za profesionalnu rehabilitaciju i zapošljavanje lica sa invaliditetom
15. Ostali korisnici javnih prihoda.

*Obveznici iz stava (1) ovog člana dužni su Federalnom ministarstvu finansija (u daljem tekstu: Ministarstvo) u pismenom i elektronskom obliku dostavljati mjesečni izvještaj o prikupljenim i raspoređenim javnim prihodima na kumulativnoj osnovi sa prikazom podataka o ostvarenim javnim prihodima za prethodni izvještajni period, u formatu koji utvrdi Ministarstvo, prateći rokove propisane ovim pravilnikom.<sup>2</sup>*

Stav (3) **BRISAN**<sup>3</sup>

## II. OBRASCI ZA IZVJEŠTAVANJE

### Član 4.<sup>4</sup>

*Obrasci za izvještavanje (u daljem tekstu: obrasci) predstavljaju pregled ostvarenih i raspoređenih javnih prihoda prema ekonomskim kategorijama prihoda, uplaćenih na račune javnih prihoda korisnika iz člana 3. ovog pravilnika u skladu sa propisom kojim se uređuje način uplate, pripadnosti i raspodjele javnih prihoda u Federaciji Bosne i Hercegovine.*

*Svim korisnicima obrasci su dostupni na službenoj internet stranici Ministarstva, u formatu Excel tabela.*

---

<sup>2</sup> Službene novine Federacije BiH, broj: 30/24

<sup>3</sup> Službene novine Federacije BiH, broj: 30/24

<sup>4</sup> Službene novine Federacije BiH, broj: 30/24

*Svaka promjena formata obrazaca bit će objavljena na internet stranici Ministarstva ili korisnicima dostavljena elektronskim putem, i predstavljat će ažurirani zvanični format po kojem će se izrađivati izvještaji.*

*Izmjene sadržaja i formata obrazaca pratit će izmjene i dopune propisa kojim se uređuje način uplate, pripadnosti i raspodjele javnih prihoda u Federaciji Bosne i Hercegovine i Analitičkog kontnog plana za budžet i budžetske korisnike u Federaciji Bosne i Hercegovine.*

*Prilikom unosa podataka, u obrascima nije dozvoljeno mijenjati redoslijed redova, već je potrebno slijediti propisani format.*

*Ukoliko se kod unosa podataka napravi greška ili se prilikom preknjižavanja izmjene poslani podaci, potrebno je Ministarstvu uputiti zahtjev za korekciju za izvršene izmjene.“*

## **Član 5.**

### **Obrazac 1. Izvještaj o ostvarenim prihodima Budžeta Federacije Bosne i Hercegovine**

Ovaj obrazac predstavlja pregled uplaćenih prihoda na račun javnih prihoda budžeta Federacije Bosne i Hercegovine i pregled ostvarenih primitaka i finansiranja za izvještajni period i pregled planiranih prihoda i finansiranja u Budžetu Federacije Bosne i Hercegovine za fiskalnu godinu.

Podnosilac izvještaja je Federalno ministarstvo finansija, koje izvještaj dostavlja najkasnije do 15. u mjesecu za prethodni izvještajni period.

## **Član 6.**

### **Obrazac 2. Izvještaj o ostvarenim prihodima kantonalnog budžeta i njihova raspodjela na korisnike**

Ovaj obrazac predstavlja Izvještaj RAS-008 - Raspodjela javnih prihoda na korisnike.

Podnosioci izvještaja su kantonalna ministarstva finansija, koja u propisanom formatu Excel tabela podnose izvještaj Ministarstvu najkasnije do 15. u mjesecu za prethodni izvještajni period, na način propisan u članu 3. stav 2. ovog Pravilnika.<sup>5</sup>

## **Član 7.**

### **Obrazac 3. Izvještaj o ostvarenim prihodima općinskih i gradskih budžeta**

Obrazac 3. predstavlja obrazac za izradu izvještaja o ostvarenim prihodima općina i gradova raspoređenim od strane kantonalnog trezora i ostalim prihodima koje općine

---

<sup>5</sup> Službene novine Federacije BiH, broj: 30/24

i gradovi ostvaruju, a uplaćeni su na račune javnih prihoda općina i gradova za izvještajni period.

Izvještaj izrađuju općinske i gradske službe iz oblasti finansija i dostavljaju nadležnim kantonalnim ministarstvima finansija najkasnije do 10. u mjesecu za prethodni izvještajni period, na način propisan u članu 3. stav 2. ovog Pravilnika.<sup>6</sup>

Kantonalna ministarstva finansija odgovorna su da prikupljaju izvještaje iz stava 2. ovog člana i iste dostavljaju Ministarstvu jednom godišnje za proteklu fiskalnu godinu, najkasnije do 15. marta tekuće godine, na način propisan u članu 3. stav 2. ovog Pravilnika.<sup>7</sup>

## Član 8.

### **Obrazac 4. Konsolidovani izvještaj o ostvarenim prihodima općinskih i gradskih budžeta**

Obrazac 4. predstavlja obrazac za izradu i dostavu izvještaja o ostvarenim prihodima općina i gradova - konsolidovani pregled i obuhvata sve prihode koje općine i gradovi ostvaruju i koji se uplaćuju na račune javnih prihoda općina i gradova za izvještajni period.

Podnosioci izvještaja su kantonalna ministarstva finansija, koja na osnovu Obrasca 3. popunjavaju Obrazac 4. i izrađuju izvještaj o konsolidovanim prihodima općina i gradova kantona i mjesečno dostavljaju Ministarstvu najkasnije do 15. u mjesecu za prethodni izvještajni period, na način propisan u članu 3. stav 2. ovog Pravilnika.<sup>8</sup>

## Član 9.

### **Obrazac 5. Izvještaj o ostvarenim prihodima vanbudžetskih fondova**

Obrazac 5. predstavlja obrazac za izradu izvještaja o prikupljenim doprinosima po osnovu penzijskog i invalidskog osiguranja, zapošljavanja i zdravstvenog osiguranja i ostalim prihodima koje ostvaruju korisnici ovih prihoda.

Podnosioci izvještaja su Federalni zavod za penzijsko i invalidsko osiguranje, Zavod zdravstvenog osiguranja i reosiguranja Federacije Bosne i Hercegovine, kantonalni zavodi zdravstvenog osiguranja u Federaciji Bosne i Hercegovine, Federalni zavod za zapošljavanje i kantonalne službe za zapošljavanje.

Podnosioci izvještaja iz stava 2. ovog člana dostavljaju izvještaje Ministarstvu najkasnije do 15. u mjesecu za prethodni izvještajni period, na način propisan u članu 3. stav 2. ovog Pravilnika.<sup>9</sup>

---

<sup>6</sup> Službene novine Federacije BiH, broj: 30/24

<sup>7</sup> Službene novine Federacije BiH, broj: 30/24

<sup>8</sup> Službene novine Federacije BiH, broj: 30/24

<sup>9</sup> Službene novine Federacije BiH, broj: 30/24

## Član 10.

### **Obrazac 6. Izvještaj o ostvarenim prihodima organa za ceste i autoceste u Federaciji Bosne i Hercegovine**

Obrazac 6. predstavlja obrazac za izradu izvještaja o ostvarenim prihodima po osnovu cestovnih naknada u Federaciji Bosne i Hercegovine i prihodima od indirektnih poreza koji pripadaju organima za ceste i autoceste.

Podnosioci izvještaja su JP Ceste FBiH, kantonalni organi za ceste i JP Autoceste FBiH.

Podnosioci izvještaja iz stava 2. ovog člana dostavljaju izvještaje Ministarstvu najkasnije do 15. u mjesecu za prethodni izvještajni period, na način propisan u članu 3. stav 2. ovog Pravilnika.<sup>10</sup>

## Član 11.

### **Obrazac 7. Izvještaj o ostvarenim prihodima Fonda za zaštitu okoliša Federacije Bosne i Hercegovine i kantonalnih fondova za zaštitu okoliša**

Ovaj obrazac predstavlja obrazac za izradu izvještaja o ostvarenim prihodima po osnovu naknada za zaštitu okoliša i drugih prihodima ovih korisnika uplaćenim na račune javnih prihoda istih.

Podnosioci izvještaja su Fond za zaštitu okoliša Federacije Bosne i Hercegovine i kantonalni fondovi za zaštitu okoliša, koji izvještaj dostavljaju Ministarstvu najkasnije do 15. u mjesecu za prethodni izvještajni period, na način propisan u članu 3. stav 2. ovog Pravilnika<sup>11</sup>.

## Član 12.

### **Obrazac 8. Izvještaj o ostvarenim prihodima Agencije za vodno područje rijeke Save i Agencije za vodno područje Jadranskog mora**

Ovaj obrazac predstavlja obrazac za izradu izvještaja o ostvarenim prihodima po osnovu vodnih naknada uplaćenim na račune javnih prihoda korisnika istih.

Podnosioci izvještaja su Agencija za vodno područje rijeke Save i Agencija za vodno područje Jadranskog mora, koji izvještaje dostavljaju Ministarstvu najkasnije do 15. u mjesecu za prethodni izvještajni period, na način propisan u članu 3. stav 2. ovog Pravilnika<sup>12</sup>.

---

<sup>10</sup> Službene novine Federacije BiH, broj: 30/24

<sup>11</sup> Službene novine Federacije BiH, broj: 30/24

<sup>12</sup> Službene novine Federacije BiH, broj: 30/24

## Član 13.

### Obrazac 9. Izvještaj o ostvarenim prihodima ostalih korisnika

Obrazac 9. predstavlja obrazac za izradu izvještaja o prikupljenim prihodima turističkih zajednica, obrtničkih komora, Fonda za profesionalnu rehabilitaciju i zapošljavanje lica sa invaliditetom, humanitarnih organizacija i drugih korisnika javnih prihoda na teritoriji Federacije Bosne i Hercegovine.

Podnosioci izvještaja su Turistička zajednica Federacije Bosne i Hercegovine, turističke zajednice kantona, Obrtnička komora Federacije Bosne i Hercegovine, obrtničke komore kantona, Fond za profesionalnu rehabilitaciju i zapošljavanje lica sa invaliditetom, humanitarne organizacije na teritoriji Federacije Bosne i Hercegovine (Crveni križ/Crveni krst Federacije Bosne i Hercegovine, Humanitarno pastoralna organizacija "CARITAS VRHBOSANSKE NADBISKUPIJE", Humanitarna organizacija "MERHAMET", Srpsko humanitarno udruženje "DOBROTVOR").

Podnosioci izvještaja iz stava 2. ovog člana dostavljaju izvještaj o prihodima Ministarstvu najkasnije do 15. u mjesecu za prethodni izvještajni period, na način propisan u članu 3. stav 2. ovog Pravilnika.<sup>13</sup>

## III. PRIJELAZNE I ZAVRŠNE ODREDBE

### Član 14.

Danom početka primjene ovog Pravilnika prestaje da važi Uputstvo o sadržaju, načinu i rokovima izvještavanja o prikupljenim i raspoređenim prihodima budžeta i vanbudžetskih fondova na teritoriji Federacije Bosne i Hercegovine ("Službene novine Federacije BiH", broj 38/01).

### Član 15.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH", a primjenjivati će se od 01. januara 2019. godine.

### Samostalni član Pravilnika<sup>14</sup>

**o sadržaju, načinu i rokovima izvještavanja o prikupljenim i raspoređenim prihodima budžeta, vanbudžetskih fondova i ostalih korisnika javnih prihoda na teritoriji Federacije Bosne i Hercegovine**

### Član 5.

Ovaj pravilnik stupa na snagu narednog dana od dana objavljivanja u "Službenim novinama Federacije BiH".

<sup>13</sup> Službene novine Federacije BiH, broj: 30/24

<sup>14</sup> Službene novine Federacije BiH, broj: 30/24